

– Այնպես, համեցեք, վեր առեք, յարգելի բժշկապետ: Մեզանից ի՞նչ կը պակսի, եթե ձեզ այդ բոլորը փեշքեշ անենք, եւ դուք մեր երկրից մի լաւ յիշատակ տանեք ձեզ հետ:

– Շնորհակալ եմ, ես էլ գիտեմ, որ ձեզ ոչինչ չի պակասի, երեւում է, որ դուք շատ հարուստ եք, բայց ես փեշքեշներ ընդունելու սովորութիւն չունեմ:

Ասիական վաճառականների սովորութիւնն է այդ, երբ մի բան գնելու լինես, նախ կասէ. «տար, փող մի տուր, թող քեզ ընծայ լինի»: Իսկ երբ փող առաջարկես, սարսափելի գներ կը պահանջեն: Նոյնպես վարոեցան եւ մեր հայ վաճառականները:

– Չէ՞ք հաւատում, յարգելի բժշկապետ, – ասում էր մահտեսի Թորոսը, – եթէ չէք հաւատում, հարցրեք խնամի Մկոյից, նա իր աչքով տեսաւ, որ մի ընկլիս այդ ցուլի գլխին յիսուն կարմիր ոսկի տոեց, բայց ես չտոեցի: Այդպէս չէ՞, խնամի Մկոյ:

– Յոգիս վկայ, ճշմարիտ է ասում, – պատասխանեց խնամի Մկոն, ձեռքը տանելով դէպի կուրծքը եւ դնելով իր հոգու վրայ:

Բայց որքան պետք էր հաւատալ խնամի Մկոյի հոգուն, որը այդպիսի երդումների մէջ այնքան շատ էր գործածոել, որ բոլորովին մաշոել էր: Միայն ծիծաղելին այն էր, երբ Ասլանը վեր առեց մի քանի իրեղէններ, որոնք խնամի Մկոյին էին պատկանում, դա էլ իր կողմից վկայ կանչեց մահտեսի Թորոսին, որ նա իր աչքով տեսել էր եւ իր ականջով լսել էր, որ մի ֆրանկ ահագին գումարներ էր առաջարկել, բայց նա չէր ընդունել:

– Թող Երուսաղէմի սուրբ տաճարի մէջ իմ տեսած լոյսը աչքերս կուրացնէ, թող ես Քրիստոսի մէխ խփողներից մէկը լինեմ, եթէ սուտ լինեմ ասում, – պատասխանեց մահտեսի Թորոսը, – ֆրանկը ահագին գումարների առաջարկեց, բայց նա չընդունեց:

– Ես մի հասարակ բժիշկ եմ, ես մեծ գումարներ չունեմ, – ասաց Ասլանը, իր ընտրած իրեղէնները նրանց հետ տալով:

– Ինչո՞ւ էք նեղանում, յարգելի բժշկապետ, – ձայն տոեցին երեք կողմից, – խնդրում ենք, եթէ կամենում եք, վեր առեք, ձեզանից ո՞վ է փող ուզում:

Ասլանը այս անգամ այլեւս չկարողացաւ զսպել իր անհամբերութիւնը եւ ասաց.

– Չգիտեմ ի՞նչ անել ձեզ հետ, երբ կամենում եմ մի բան վեր առնել, ահագին փողեր էք պահանջում, իսկ երբ ցած եմ դնում, առաջարկում էք ձրի ընդունել: